

From: Unit Komunikasi Korporat
Sent: Monday, August 28, 2017 11:24 AM
To: UUM - All Staff
Subject: Latihan Kecemasan Kebakaran Bersama ERT UUM



Unit Komunikasi Korporat
CORPORATE COMMUNICATION UNIT
Universiti Utara Malaysia



27 OGOS 2017 / 05 ZULHIJAH 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: ERT UUM

LATIHAN KECEMASAN KEBAKARAN BERSAMA ERT UUM



UUM ONLINE: Jawatankuasa Keselamatan dan Kesihatan Pekerjaan Pusat Kesihatan Universiti, Universiti Utara Malaysia (JKKKP PKUUUM) dengan kerjasama Emergency Response Team (ERT) UUM di bawah Jawatankuasa Keselamatan dan Kesihatan Pekerjaan UUM (OSH-UUM) telah berjaya melaksanakan latihan kecemasan kebakaran di PKU UUM baru-baru ini.

Latihan kecemasan kebakaran ini bertujuan menguji dan meningkatkan tahap kesiapsiagaan anggota-anggota ERT UUM yang terdiri daripada anggota sukarelawan dari pelbagai jabatan sekiranya berlaku kejadian kebakaran sebenar.

Latihan dibuat dengan mencetuskan situasi kebakaran di Makmal Diagnostik PKU di mana tiga pesakit yang sedang menerima rawatan telah berjaya dibawa keluar oleh kakitangan yang sedang bertugas.

Pasukan ERT UUM yang tiba di tempat kejadian telah berjaya membantu mengawal dan memadam kebakaran yang berlaku.

JKKKP PKUUUM yang diketuai oleh Zuraidi Mokhtar selaku *incident controller* berjaya melaksanakan prosedur pengungsian bangunan dalam masa yang ditetapkan.

Menurut Zuraidi, latihan pengungsian bangunan serta latihan memadam kebakaran merupakan objektif utama demi memastikan semua kakitangan di PKUUUM menerima latihan dan dapat bertindak cepat dan pantas sekiranya berlaku kejadian kecemasan kebakaran di bangunan PKU.

"Keselamatan pesakit diberi keutamaan dalam latihan ini. Selain itu Kerjasama Jabatan Pembangunan dan Penyelenggaraan (JPP) membenarkan peralatan kecemasan seperti memecahkan dan menguji sistem bunyi kecemasan dan peralatan memadam kebakaran berjaya menambah kepada kejayaan latihan ini," jelasnya.

Katanya lagi Pasukan ERT UUM juga berupaya menguji semua peralatan memadam kebakaran yang terdapat di bangunan baru PKUUUM serta pili bomba yang ada berhampiran bangunan semasa latihan ini.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.